

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-20362/21
Sarajevo, 16.12.2021. godine

Na osnovu člana 70. stav (1) i (4) i člana 100. stav (3) Zakona o javnim nabavkama („Službeni glasnik BiH“, br. 39/14), te člana 26. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.7.2020. godine, rješavajući po žalbi „Mibral“ d.o.o. Sarajevo broj 354-2.1-12/21 broj 08.12.2021. godine, a na preporuku Komisije za javnu nabavku radova, Općinski načelnik donosi

ODLUKU

I

Usvaja se žalba ponuđača „Mibral“ d.o.o. Sarajevo broj 354-2.1-12/21 od 08.12.2021. godine, stavlja se van snage Odluka o izboru najpovoljnijeg ponuđača broj 02/12-19-20362/21 od 30.11.2021. godine u predmetu javne nabavke Izgradnja dječijeg igrališta za potrebe korisnika Udruženja građana “Oaza” i obdaništa “Žubor”, broj obavještenja 422-1-3-192-3-169/21, objavljeno na Portalu javnih nabavki dana 28.10.2021.godine, i u “Službenom glasniku BiH”– Oglasnik javne nabavke broj 67/21 od 05.11.2021. godine.

II

Okvirni sporazum za javnu nabavku - Izgradnja dječijeg igrališta za potrebe korisnika Udruženja građana “Oaza” i obdaništa “Žubor”, broj obavještenja 422-1-3-192-3-169/21, objavljeno na Portalu javnih nabavki dana 28.10.2021.godine, i u “Službenom glasniku BiH”– Oglasnik javne nabavke broj 67/21 od 05.11.2021. godine, dodjeljuje se ponuđaču „Mibral“ d.o.o. Sarajevo, sa ponudenom cijenom za okvirni sporazum u iznosu od 68.260,16 KM bez PDV-a, odnosno 79.864,39 KM sa PDV-om.

III

Zadužuje se Služba za zajedničke poslove da ovu Odluku objavi na web stranici Općine, u skladu sa članom 70. stav (6) Zakona o javnim nabavkama, istovremeno sa upućivanjem iste ponuđačima koji su učestvovali u postupku javne nabavke u skladu sa članom 70. stav (6) Zakona o javnim nabavkama, te da nakon isteka žalbenog roka pripremi okvirni sporazum i dostavi Općinskom načelniku na potpis.

IV

Obavezuje se ponuđač iz člana II ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-20362/21 od 26.10.2021. godine Općina Novi Grad Sarajevo pokrenula je otvoreni postupak javne nabavke Izgradnja dječijeg igrališta za potrebe korisnika Udruženja građana “Oaza” i obdaništa “Žubor”, broj obavještenja 422-1-3-192-3-169/21, objavljeno na Portalu javnih nabavki dana 28.10.2021.godine, i u “Službenom glasniku BiH”– Oglasnik javne nabavke broj 67/21 od 05.11.2021. godine.

Zapisnikom o otvaranju ponuda od 19.11.2021. godine Komisija je konstatovala da su u predviđenom roku, u propisno upakovanim kovertama, pristigle tri (3) ponude ponuđača: 1. grupa ponuđača “Flex Invest” d.o.o. Sarajevo i “Bosman” d.o.o. Sarajevo, 2. „Dinalsa” d.o.o. Sarajevo i 3. “Mibral” d.o.o. Sarajevo.

Po provedenom postupku ugovorni organ je dana 30.11.2021. godine donio Odluku o izboru najpovoljnijeg ponuđača za predmetnu nabavku, kojom je za najpovoljnijeg ponuđača odabrao grupu ponuđača „Flex invest“ d.o.o. Sarajevo i „Bosman“ d.o.o. Sarajevo.

Dana 09.12.2021. godine Ugovorni organ je putem protokola zaprimio žalbu „Mibral“ d.o.o. Sarajevo broj 354-2.1-12/21 koja je poslata putem pošte dana 08.12.2021. godine. Komisija shodno odredbama člana 100. stav (1) konstatovala da je žalba blagovremena, dopuštena i izjavljena od strane ovlaštenog lica.

Žalitelj u žalbi navodi da je ugovorni organ pogriješio što je cijenio kao prihvatljivu ponudu grupe ponuđača Flex invest“ d.o.o. Sarajevo i „Bosman“ d.o.o. Sarajevo, jer smatra da ista ne ispunjava uslove iz tačke 3.4.1. (a) – tehnička i profesionalna sposobnost „da je ponuđač u protekle tri kalendarske godine kao izvođač imao uspješno izvršen najmanje jedan ugovor koji za predmet ugovora ima radove koji su u vezi sa predmetom nabavke vrijednosti najmanje 40.000,00 KM sa PDV-om“. Navedeno se dokazuje shodno tački 3.4.2. (a):

„Lista izvršenih ugovora ponuđača koji su u vezi predmetom nabavke a koji su realizovani u posljednje tri godine sa vrijednostima, datumima i naručiocima radova kao dokaz da je dobavljač uspješno realizovao najmanje jedan ugovor koji za predmet ugovora ima radove koji su u vezi predmetom nabavke vrijednosti najmanje 40.000,00 KM sa PDV-om. a. Uz spisak izvršenih ugovora ponuđač je dužan dostaviti potvrdu za ugovor koji za predmet ugovora ima radove koji su u vezi predmetom nabavke, vrijednosti najmanje 40.000,00 KM sa PDV-om, koju je izdala ugovorna strana – naručilac radova, a koja obavezno sadrži: naziv i sjedište ugovornih strana ili privrednih subjekata, predmet ugovora, vrijednost ugovora, vrijeme i mjesto izvršenja ugovora i navode o uredno izvršenim ugovorima. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, važi izjava ponuđača o uredno izvršenim ugovorima, uz prednošenje dokaza o učinjenim pokušajima da se takve potvrde obezbijede; (original ili ovjerena kopija).“

Žalitelj navodi da je izabrani ponuđač na stranici 36. svoje ponude dostavio potvrdu o nabavci i ugradnji od 25.12.2020. godine izdatu od strane „Turističke organizacije Jahorina“, Istočno Sarajevo, u kojoj se navodi da je firma „Flex invest“ d.o.o. Sarajevo izvršila nabavku i ugradnju opreme za dječije igralište i fitness igralište na otvorenom na Trebeviću. Žalitelj navodi da se u predmetnoj potvrdi ne navodi sjedište ugovorne strane „Flex invest“ d.o.o. Sarajevo, a što je obavezan element propisan članom 48. stav (3) Zakona o javnim nabavkama BiH, ali i samoj tenderskoj dokumentaciji. Nadalje, navodi se da je u samom nazivu potvrde naznačeno da je to potvrda o „nabavci i ugradnji“, te da je ista manjkava jer ne sadrži navode o uredno izvršenim poslovima izgradnje. Nije vidljivo iz potvrde da je ponuđač uopće izvodio ikakvu vrstu radova na izgradnji i pripremi za ugradnju opreme na predmetnom projektu, budući da se iz dostavljene potvrde ne može utvrditi da li su i ispred koga radovi i izvedeni. Zbog toga žalitelj navodi da ugovorni organ nije mogao prihvatiti navedenu ponudu kao prihvatljivu, ili je isti morao barem pristupiti ispitivanju istinitosti navoda iz predmetne potvrde.

Komisija je, nakon izvršene ponovne analize ponuda, utvrdila da je žalbeni navod ponuđača „Mibral“ d.o.o. Sarajevo osnovan.

Na stranici 36. ponude grupe ponuđača „Flex invest“ d.o.o. Sarajevo i „Bosman“ d.o.o. Sarajevo dostavljena je potvrda o nabavci i ugradnji od 25.12.2020. godine izdata od strane „Turističke organizacije Jahorina“, Istočno Sarajevo, u kojoj se navodi da je firma „Flex invest“ d.o.o. Sarajevo izvršila nabavku i ugradnju opreme za dječije igralište i fitness igralište na otvorenom na Trebeviću. Komisija je razmatrajući žalbene navode ponuđača „Mibral“ d.o.o. Sarajevo pristupila ponovnoj ocjeni sporne potvrde, te u odnosu na navod da nije navedeno sjedište druge ugovorne strane iz potvrde cijenila da je to manji formalni posust koji nije od uticaja na ukupnu validnost potvrde, ali je u svrhu pravilnog ispitivanja sadržaja sporne potvrde, odnosno predmeta ugovora za koji je dostavljena potvrda, na portalu javnih nabavki www.ejn.gov.ba izvršila uvidu u tendersku dokumentaciju po obavještenju o nabavci broj 18945-7-1-17-3-6/20 koji je provodio ugovorni organ – JU Turistička organizacija „Jahorina“ Grad Istočno Sarajevo. Također, traženo je i pojašnjenje od strane izdavaoca sporne potvrde, a dana 16.12.2021. godine zaprimljen je odgovor JU Turistička organizacija „Jahorina“ Grad Istočno Sarajevo broj 1033.1/21 od 15.12.2021. godine u kojem se navodi da je predmet postupka „Nabavka i ugradnja opreme za dječije igralište i fitness igralište na otvorenom na Trebeviću“, te da je u tenderskoj dokumentaciji navedeno sljedeće: „Ponuđač će robu isporučiti i ugraditi na prethodno pripremljen teren. Pripremane radove obezbijedit će ugovorni organ na osnovu javno-privatnog partnerstva u saradnji sa pravnim licem „Stanišić“ d.o.o. Pale.“

Shodno naprijed navedenom Komisija je cijenila da je grupa ponuđača „Flex invest“ d.o.o. Sarajevo i „Bosman“ d.o.o. Sarajevo dostavila potvrdu o urednom izvršenju ugovora koji se odnosi samo na nabavku i montažu robe koja je u vezi sa predmetom nabavke, dok grupa ponuđača nije dostavila dokaze o urednom izvršenju ugovora koji se odnosi i na građevinske radove/izgradnju (pripremane radove, armirano-betonske radove, radove na popločanju i asfalterne radove) kako je to zahtjevano tenderskom dokumentacijom.

Iz naprijed navedenih razloga utvrđeno je da grupa ponuđača „Flex invest“ d.o.o. Sarajevo i „Bosman“ d.o.o. Sarajevo ne ispunjava uslove tražene u tenderskoj dokumentaciji iz tački 3.4.1. (a) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da ponuđač „Dinalsa“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 3.4.1. (a) tehnička i profesionalna sposobnost – da je ponuđač u protekle tri kalendarske godine kao izvođač uspješno izvršio najmanje jedan ugovor koji za predmet ugovora ima radove koji su u vezi sa predmetom nabavke vrijednosti najmanje 40.000,00 KM sa PDV-om, a što se dokazuje tačkom 3.4.2. (a). Ponuđač je kao dokaz tehničke i profesionalne sposobnosti ukupno priložio jednu potvrdu o uspješno realizovanim ugovorima na stranici 27. ponude i to potvrdu koju je izdala Općina Novi Grad Sarajevo broj 02/08-19-6474/21 od 14.04.2019. godine a koja se odnosi na Izvođenje radova na rekonstrukciji i izgradnji sportskih igrališta na području Općine Novi Grad Sarajevo. Komisija nije mogla cijeniti kao prihvatljivu ovu potvrdu jer se radovi iz iste ne odnose na nabavku i ugradnju dječijeg mobilijara kao i na sigurnosnu gumenu podlogu, te je konstatovala da se predmetna potvrda ne odnosi na radove koji su u vezi sa predmetom javne nabavke.

Iz naprijed navedenih razloga utvrđeno je da ponuđač „Dinalsa“ d.o.o. Sarajevo ne ispunjava uslove tražene u tenderskoj dokumentaciji iz tački 3.4.1. (a) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da preostala dostavljena ponuda „Mibral“ d.o.o. Sarajevo ispunjavaja formalno-pravne i kvalifikacione uslove tražene u tenderskoj dokumentaciji, te je izvršila računsku kontrolu ponude i utvrdila da nije bilo računске greške.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa članom 3. stav (3) Pravilnika o uslovima i načinu korištenja e-aukcije („Službeni glasnik BiH“, br. 66/16) odlučeno je da će se predmetni postupak okončati u skladu sa članom 69. Zakona o javnim nabavkama.

Shodno navedenom Komisija je dala preporuku za zaključenje okvirnog sporazuma sa ponuđačem „Mibral“ d.o.o. Sarajevo.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) i člana 100. stav (3) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

Općinski načelnik
mr. Semir Efendić

